

CPC adakan Program Bondang-Banding 4.0

VB 31-10-2019 15

KOTA KINABALU: Program Bondang-Banding 4.0 anjuran Counseling Psychology Club (CPC) Universiti Malaysia Sabah berjaya diadakan di Fakulti Psikologi dan Pendidikan pada 13 Oktober lalu bermula jam 7 pagi hingga 6 petang.

Program itu dianjurkan bagi mengeratkan ukhuwah dan silaturahim khususnya sesama pensyarah dan pelajar jurusan psikologi kaunseling.

Sambutan yang diterima amat memberangsangkan dengan kehadiran seramai 99 orang mahasiswa dan mahasiswi daripada jurusan psikologi kaunseling serta kedatangan beberapa orang pensyarah yang tidak terikat kepada komitmen lain.

Turut hadir memenuhi jemputan ialah Timbalan Dekan Hal Ehwal Pelajar dan Alumni Dr Soon Singh a/l Bikar Singh beserta Ketua Program Psikologi kaunseling Dr Norzihan Ayub.

Antara aktiviti yang menjadi kemuncak ialah gotong-royong menyediakan bubur asyura yang julung-julung kali diadakan sepanjang empat kali penganjuran program Bondang-Banding



SESI PENGGAMBARAN: Sesi penggambaran bersama semua pihak yang terlibat secara langsung dan tidak langsung dalam menjayakan program Bondang-Banding 4.0.


sebelum ini.

Gotong-royong ini diadakan pada sebelah pagi dan turut disertai oleh mahasiswa-mahasiswi daripada program SPADA (Special Programme Anti-Drug Abuse) peringkat sarjana.

Pada sebelah petang pula, perasmian program disempurnakan oleh timbalan dekan dalam sebuah jamuan tengah hari bersama para pensyarah serta peserta.

Program kemudian diteruskan dengan beberapa aktiviti permainan sebelum majlis penutupan dan majlis bersurai.

Diharapkan jalinan persahabatan dan ukhuwah yang terbina sepanjang masa yang



JAYAKAN: Antara pelajar SPADA yang terlibat dalam menjayakan bubur asyura.

amat singkat ini akan terus berterusan sehingga masing-

masing meninggalkan alam universiti.